



Lobiano Gastronomía Elkarteak:

**“Kide gehiago izango bagenitu,
hamaika proiektu egingo genituzke”**

2000. urtean jaio zen Lobiano Gastronomía Elkartea, herriko bospasei lagunez osatuta. Gaur egun Vicente Galán, Jesús Portugal, Jose Egido, Txemi Mantecón eta Benito Betegón ermuarrek osatzen dute taldea, eta eurak dira ospatu berri den pintxo aste arrakastatsuen antolatzaileak. Emaizarekin pozik dauden arren, laguntzaile gehiago lortu nahiko lituzkete, lanez gainezka daudelako. Gastronomiaz modu zabalean gozatu eta herriaren alde lan egiteko aukera paregabea eskaintzen dute.

- Zein da zuen elkartearen helburua?

Gastronomiarekin lotura duten ekimenen bitartez, herrian jarduerak bultzatzea dugu helburu. Hau da, herriko kontsumoa sustatzea. Era berean, elkartasuna lantzen dugu, eta esparru horretan kokatzen da ekai-nean burutzen dugun paella erraldoia, esaterako.

- Zenbat ekimen burutzen dituzue urtean zehar?

Urteari kazolatxo lehiaketarekin ekiten diogu, otsailan. Neguan ez da ia ekimenik antolatzen eta kazolatxoen kontua bururatu zitzaigun. Aurtengoa 6. edizioa izan da, eta badirudi gero eta indar gehiago hartzen doala. Ekainean, aldiz, pintxoaren astea antolatzen dugu, eta hau da gure ekimenik jendetsuena. Horren inguruan jarduera ugari burutzen ditugu: umeentzako tailerrak (pizzak egiten ikasteko, gozokiak, patata frijituen dastaketa...), hitzaldiak, kultura eta gastronomia uztartzen dituzten erakustaldiak, dastaketa-afaria, azoka, aurtun *food truck* kontzentrazioa, elkartasun paella, bakailao lehiaketa... Irailean, gainera, txangoa egiten dugu lehiaketara aurkezten diren guztiekin. Azkenik, Santi-xauetan paella lehiaketa kudeatzeaz arduratzen gara eta herriko beste elkar-tee-



kin kolaborazioak egiten ditugu urtean zehar.

- Zein finantzabide dituzue?

Herriko beste kolektiboek bezala, Udalaren diru-laguntza jasotzen dugu, zenbait gasturi aurre egiteko. Baina gehienetan dirua galtzen dugu, gure poltsikotik ipini behar dugu. Adibidez, paella-ontzi erraldoiaren bila Beasainera joateko pertsona batek goiz bat eman behar du, kamioi bat lortu, gasolina... Eta paella-ontziaren jabea konbentzitu behar duzu, ontzia musu-truk lagatzeko!

- Jendeak ondo erantzuten die horrelako eskaerei?

Orokorrean bai, ez gara kexatzen, nahiz eta garai txarrak diren faboreak eskatzeko.

- Zenbat denbora behar duzue pintxo astea antolatzeko?

Urtarrilean hasten gara bilerak egiten. Aurtun ez dugu azokarik egin, baina horrek denbora asko eskatzen zuen, erakusleei banan-banan deitu behar genielako, euren produktua debalde emateko konbentzitu... Aldi berean, gure diru-iturri zen azoka hura, edalontzia saltzen genuelako. Aurtun ez daukagu horrelakorik, beraz, gaizki pasatuko dugu.

- Zenbat pintxo saltzen dituzte tabernariak pintxo astean?

Iaz, adibidez, 25.000 pintxo saldu ziren, eta horiekin batera, 25.000 trago inguru salduko zituzten, jakina. Baina horrez gain, dibertsifikazioa lortzen da: normalean bisitatzen ez dituen tabernetara joaten delako jendea. Gustatuz gero, batek daki, ohiko bezero bihurtu daitezke.

- Zuen lanari esker tabernariak bete egiten dira. Tabernariak pozik egongo dira zuekin...

Oro har bai, baina batzuk kritikatu egiten gaituzte. *Food truck*en kontua, esaterako, batzuei ez zaie gustatu, bezeroak kenduko dizkiela esaten dutelako. Ez dira konturatzen horrek kanpoko jendea ere erakarriko duela.

- Zer nolako harremana duzue tabernariarekin?

Bada, elkartearen lanari etekin ekonomikoa ateratzen diote, eta hori ona da. Gu horren aldekoak gara, noski. Baina uste dugu horri buelta bat eman behar diogula, gurekin inplikatzeko eskatu behar diegula: elkartu, hitz egin, guztion artean zerbait prestatu...

- Beste herri batzuetan ere hau bezalako ekimenak daude?

Gurea bezalako pintxo aste gutxi daude, eta hura saltzen jakin behar dugu: Bil-

"Tabernari gehienak pozik daude gurekin, baina batzuk kritikatu egiten gaituzte"







ZERMIK
SISTEMA ELEKTRONIKOEN GARAPENA
DESARROLLO DE SISTEMAS ELECTRONICOS
ELECTRONIC SYSTEM DEVELOPMENT

ZERMIK INGENIERIA S.L. mikrokontrolatzaile bidezko diseinu elektronikoak garatzen espezializatua dagoen ingeniari-tza-enpresa da. Horrez gain, LabVIEW-ren bitartez sistema industrialen kontrola eta monitorizazioa bideratzeko gaitasuna ere badu.

www.zermik.com

Usaetxe plaza 6-8, behea
Arrasate-Mondragon (Gipuzkoa)
Telf: 943 23 10 12

bon egingo balitz, sekulako oihartzuna izango luke; Ermuan egiten bada ere, goazen bultzatzera! Goazen Ermua izena zabaltzera! Guztioz irabaziko dugu!

- Bistakoa da herritarrek ere ondo erantzuten dutela...

Bai, izugarri ondo. Hasi ginenean ez genuen uste pintxo asteak horrenbesteko arrakasta izango zuenik.

- Eta uste duzue pintxoak jaten dituztenek zuen lanaren berri dutela?

Ez. Tabernariak bai, eza-gutzen gaituztelako, baina herriak orokorrean ez. Ez dakite nork antolatzen duen ekintza hau, Udalak egiten duela pentsatzen dute askok, eta ez dauka zerikusirik. Baina ez zaigu inporta. Ez gaude hemen gure burua ezagutzera emateko, baizik eta gure lana egiteko. Facebooka dugu eta gure webguru-

nea berritzen ari gara orain. Jarraitzaile asko ditugu, baina hori ez da gure helburua.

- Jarraitzaile bila baino, laguntzaile bila zabiltzate, ezta?

Bai, gehiago izango bagina (10 lagun, esaterako), buruan ditugun hamaika kontu egin ahal izango genituzke: lanak banatu, esparru ezberdinetan erreferente bat izendatu... Baina gaur egun guztioz arduratu behar gara guztiaz, gure lanorduetatik kanpo, eta nekagarria da.

- Zein proiektu dituzue orain esku artean?

Gauza guztiak berraztertu nahiko genituzke: funtzionatzen duten ekitaldiak indartu eta berriak proposatu, baina horretarako ezinbestekoa dugu jendearen inplikazioa.

- Zer eskaintzen duzue trukean?

"Jendeak ez gaitu ezagutzen, ez daki zenbat ekimen antolatzen ditugun"

Ezer ez, kar kar! Datorrenak denbora galduko du eta momenturen batean dirua ere ziur aski. Baina herriaren alde zerbait egiteko aukera dugu, eta horrek asko asebetetzen du. Zerbait antolatu eta plaza eta tabernak jendez lepo daudela ikusteak ez dauka parekorik! Gainera asko ikasten da sukaldaritzaz, ardoaz, lehen mailako sukaldariekin hitz egiteko aukera duzu...

- Laguntzaile puntualak lortzea erraza da?

Bai, paella egunean norbanakoak izaten ditugu eta merkatari eta ostalariek ere laguntzen digute paella egi-

ten eta banatzen. Baina guzti hori jaso eta garbitu egin behar da, eta dena musu-truk, jasotzen den diru guztia egoera latzean dauden ermuarrei bideratzen diegulako.

- Zerk batzen zaituzte elkarteko kideak?

Ezerk. Lagunak garela eta gastronomia gustatzen zai-gula. Jateaz gain, produktak dastatu, munduko sukaldaritza ezberdinak eza-gutu, dastaketak egin (ura, gatz, txokolatea...). Bakoi-tzak bere bizitza du, baina elkarrekin primeran pasatzen dugu!

Dorleta Vidal



AMAIA HARATEGIA



Bertoko Okelak

Probaleku 5
Tfnoa. 943 17 05 84
Ermua

Hamburguesería TITANIC



*Pintxo dastaketa
poteoan*

Kantabria 2 • Tlf: 17 67 83



Telf.: 943 17 60 75

banatzaile ofiziala

- Luis Cañas familia	- Pazo Señorans	- Txakoli Akarregi
- Añada Real	- Vicente Gandía	- Milana
- Vllera taldea	- Oriol Rossell	- La Loca Juana
- Gomez Cruzado	- Astobiza txakolina	- nitida

aral@aral97.com - Pol. Ind. Goitondo Galkoa Parcela Pab. 1 - Mallabia



**NEREA IÑIGUEZ
HORTZ KLINIKA**



San Inazio 4 - Ermua
943 030 512 / niklinika@gmail.com

